

明書



明書
印

給渙志三

宣宗章皇帝

即位詔

詔曰洪惟天眷國家茂隆景運肇自太祖高皇帝聖神文武提一旅之眾建萬世之業太宗文皇帝神功聖德載安宗社弘靖萬邦皇考大行皇帝紹承大統奉天子民體祖宗之至仁用輯甯於庶類自臨寶位夙夜勤勞甫及踰年

明書卷五十三

上諭號詔

詔曰朕惟聖神之道不可以名言功德之隆必形諸贊述是以皇有義農之號帝有堯舜之稱國之典常古今一揆恭惟皇考大行皇帝稟睿聖之資備明誠之德正位儲宮二十餘年至孝通於神明令聞乎於遠邇嗣登大寶寅奉鴻圖體天之心弘敷惠澤普昭蘇於萬彙煥寰宇之一新致理興化淳尚文雅慎修武事四境無虞天下歸仁安於熙皞不幸崩歲奄棄大寶四海臣民如喪厥考嗟予罔極之慟屬茲繼統之初諒陰懷承之心敢後追崇之典謹命在廷文武羣臣稽古禮文議薦諡號至公之道眾論攸同

明書卷五十三

德澤章需不幸違豫奄臻大漸顧命神器付予眇躬哀勤方殷罔知攸措親王文武羣臣下至耆老軍民藩夷朝使萬眾一誠累表勸進辭職不獲仰惟列聖創守之難俯仰輿情已於六月十二日祇告天地宗廟社稷即皇帝位為政所重以德及人其改明年為宣德元年大赦天下咸與維新於歲三聖在天制治保邦大經大法明照日月垂憲萬年惟篤欽承必誠必信尚賴宗室親王叔祖父協心蕃屏鞏固國家暨中外文武賢臣同德匡輔用臻至理弘建宗社生民悠久之福詔告天下咸使聞知洪熙元年六月十五日

上皇太后儀號詔

乃於七月初二日祇告天地宗廟社稷奉冊寶恭上皇考大行皇帝尊諡敬天體道純誠至德弘文欽武章聖達孝昭皇帝廟號仁宗嗚呼配天惟德尊朝惟孝光華宣著於萬年繼述尚存於後世布告中外咸使聞知洪熙元年七月初三日

詔曰仁政之務親親為先禮典所崇尊尊為大朕續承鴻業君臨兆庶肆用愷於孝理爰肇正於化原恭惟聖母輔翼先朝昭明內啟弘六宮之靈範表四海之母儀深仁厚德施及眇躬隆鞠育之恩廣訓迪之道勛勞備至以底成

德施及眇躬隆鞠育之恩廣訓迪之道勛勞備至以底成

立茲方奉天下之至養則必極天下之尊稱謹上皇太后
乃若宗廟之祀禮重相成德化之行始於夫婦用稽國典
冊妃胡氏爲皇后夫國之本在家允屬彝倫之重上以厚
率下庶臻至理之隆布告中外咸使聞知洪熙元年七月
十五日

平漢王詔

詔曰我祖宗開創洪業封建親藩所以鞏固國家永安宗
社朕以天敘嗣承大統值厚親親至於漢王高煦事以叔
父未嘗違禮天地神明所共臨鑒而彼包蓄禍心積有年
歲昔我皇祖太宗皇帝覺其潛懷異圖削兩護衛徙置樂

明書卷五十三

三

安州皇考仁宗皇帝友愛之誠比隆虞舜而乃忘背大恩
以德爲怨今者無故招聚無賴授以兵器驅掠良民聚充
軍士搶奪官民馬匹擅放有司監繫強盜縱其爲惡給與
賞賜暗結都司官及軍衛有司官吏生員人等賞與金銀
等物除指揮王斌知州朱恆等爲太師都督尙書等官其
餘各授一職散刀與眞定等衛軍官爲號潛結北京官員
軍民俾爲內應其他姦謀不可枚舉遂致北京官員軍民
山東三司衛府州縣等衙門官吏人等及其護衛親信軍
校并被害軍民五百餘人奏發其事朕以至親初未之信
及差百戶陳剛齋本至京誣罔先帝爰及朕躬假此弄兵

聲言犯闕及究多人之言具有成跡實欲妄覬天位謀危
社稷流毒生靈春秋之法人臣無將將則必誅其不軌如
此罪矣可容朕以祖宗付託之重國家生民之計不得已
親率六師往問其罪兵臨其境尙擁烏合之眾敢行拒抗
賴天地眷祐宗社之靈罪人斯得朕以親親之故不忍棄
絕令同宮眷居於北京以全始終之恩其餘同惡者明正
典刑協從者咸釋不問今已班師於戲管叔流言成周致
辟淮南作孽自闕其躬大義不私於所親至仁尙從於寬
典詔告中外咸使聞知

征虜大勝詔

明書卷五十三

四

詔曰恭天撫民固無華夷遠邇之間除殘去暴本於帝王
仁義之心故拔稂莠所以植苗而斬蛇虺爲其傷物惡惡
善善明聖所同朕嗣宗祖之洪圖主萬邦之兆庶志存康
濟夙夜惟勤比以胡虜嘗爲邊患爰於農隙躬歷疆陲飭
勵將士嚴固防守九月初二日駐師石門連得邊報胡寇
庶萬南侵不突獸奔已迫近境朕躬率鐵騎三千馳赴之
將士比力協心咸奮一當百戰馘虜首萬餘級擒其酋長
百餘人徑其巢穴盡獲其人口兵器馬匹牛羊輜重不可
勝計腥羶蕩滌邊境肅清遂班師振旅於戲稔惡弗戢醜
虜何追於天誅武威載揚嘉兵豈予之所志庶幾攘夷之

續用副保民之心詔告中外咸使聞知宣德二年九月十五日

皇太子肇生詔

詔曰朕以菲德祇膺鴻圖惟祖宗創業之艱難惟今日守成之匪易致勤夙夜罔敢怠甯億兆之繁殫心於和輯宗社之重永念於繼承善慶有源祥應茲協陽德初復長子肇生家邦之本攸隆中外之心咸屬宜施惠澤覃被多方今大赦天下於戲承序以長用昭萬世之傳推德及人弘敷四海之福故茲詔諭咸使聞知宣德二年十一月十五日

明書卷五十三

五

册立皇太子詔

詔曰朕承天序祇奉寶圖惟祖宗積慶之隆衍本支於至盛惟帝王統理之道建儲子以爲先長子祈鎮日表英明天資端重比者親王文武羣臣合誠奉表請立東宮於再於三言之切至朕恭承皇太后聖諭國家大經宜循羣議今以册寶立祈鎮爲皇太子夫重建元良所以垂萬年之統豫定國本所以係天下之心詔告臣民咸使聞知宣德三年二月初六日

當春優恤第一詔

詔曰朕恭膺天命嗣承祖宗洪業夙夜孜孜保民圖治每

食則思下人之饑每衣則思下人之寒心存民瘼未嘗忘之今春氣已和時頒寬恤之令條示於後其速行之爾六卿大臣與國同體爲國爲民務盡乃心如政令有所未當朕慮有所未周者尙審思列奏都御史任耳目之寄亦宜博訪以聞庶副朕恤民之意欽哉故諭宣德五年二月二十二日

當春優恤第二詔

朕以菲德恭承天命嗣祖宗之大統夙夜惓惓思付託之重夫君國之道保民爲要當春時和萬物發生顧念兵民有未得所祇體造化之仁爰敷懷保之政庶幾下人蒙福

明書卷五十三

六

而有以仰答天與祖宗之心凡爾羣臣宜同朕志令行庶務勉務欽承故諭宣德七年月日

省災寬恤詔

詔曰朕以菲德恭嗣天位統御兆民夙夜惓惓圖惟安利今畿內及河南山東山西並奏自春及夏雨澤不降人民饑窘朕甚惻焉夫上天降災厥有攸自其政事之有闕歟刑罰之失中歟徵斂之頻繁歟撫字之不得人歟永念其故內疚於心思惟咸通之道必廣寬恤之仁庶天鑒之旋災爲福宣德八年四月十五日

英宗睿皇帝

卽位詔

詔曰我國家膺天明命統理華夷奄旬萬姓於茲七十餘年仰惟祖宗肇造之功守成之道規模弘遠昭示萬年惟我皇考皇帝以至仁大德統承之率循憲章恢弘正化方期家國永底雍熙不幸奄茲遐棄肆予眇躬祇奉遺命於宣德十年正月初十日卽皇帝位付畀重兢惕惟懼允惟神天之典惟敬斯承生民之重惟仁斯保阜成之積惟勤惟儉乃克有成願子涼薄勉懷永固尙賴親王宗室益修藩屏中外文武羣臣宣力效忱以副委任以惠我蒼生用臻富庶躋於太和其以明年爲正統元年與天下更新

明書卷五十三

七

嗚呼自古生民獲福咸由君臣同心同德圖厥成功亦罔不在初尙協嘉猷以隆邦本詔告天下咸使聞知宣德十年正月初十日

上諭號詔

詔曰朕惟隆古神聖之君咸有鴻名美謚垂於萬世若唐堯虞舜皆所以形容至德逮我祖宗莫不皆然恭惟皇考大行皇帝賴承天位統理邦家弘覆載之仁溥生成之德至誠孚於上下至孝通於神明寬裕有容神武不殺華夏蠻貊罔不率俾薄海內外熙然泰和不幸上賓奄棄臣庶願以大寶付於眇躬懷哀慟之孔深念繼述之彌重允惟

典禮宜極追崇謹命文武羣臣稽古禮文議薦謚號參之眾論協於大公乃於正月二十五日祇告天地宗廟社稷奉冊寶恭上皇考大行皇帝尊謚憲天崇道英明神聖欽文昭武寬仁純孝章皇帝廟號宣宗於歲天地之德實廣大而難名日月之明同昭宣於有永詔告天下想宜知悉宣德十年正月二十八日

上太皇太后及皇太后號封王詔

詔曰朕以眇躬嗣登天寶稽古帝王致理之要亦惟尊尊親親表正大倫封建宗藩鞏固王室厥有彝典萬世攸同仰惟聖祖母皇太后大德格天錫之全福以濟我家國保

明書卷五十三

八

佑朕躬聖母皇后協相先朝用固邦本徽音嗣著大典儀崇謹上册寶尊聖祖母皇太后爲太皇太后聖母皇后爲皇太后復念本支實資藩屏今冊封弟祁鉅爲郕王平陽王美圭嗣封晉王保甯王悅襲嗣封蜀王其餘郡王應封襲者次第頒封於戲崇孝敬以隆天叙之尊敦宗室以重維城之寄爰推仁澤咸及庶邦詔示中外咸使聞知宣德十年二月初九日

水旱省示詔

朕躬嗣大統夙夜祇勤惟天惟祖宗付託之重不敢怠逸比年以來停罷一切徵斂除逋負薄刑罰所冀四方咸遂

生息今歲以來災疹數見京畿尤甚自三月至五月亢陽不雨甚傷農麥五月中至六月連雨不止河決隄防淹沒田稼城中傾塌官民廬舍亦有壓溺死者深用兢惕洪範咎徵皆由人事蓋朕不德之所致也其聽納之弗審歟譏侯之弗戢歟政事之臣有頗僻歟輔弼之臣失其職歟何災特甚乎近也循省厥由用圖善道爾等皆與國同體豈當默默坐視而弗思弗勉乎自今其體朕心以敬天愛人爲心毋懈夙夜夫持廉戒貪者善身之本致公絕私者善政之要勿謂可欺神鑒孔昭勿謂無害天應可畏欽哉曷哉務修善政庶幾以回天意以固宗社生民之福爾亦尚

明書卷五十三

九

有利哉正統四年六月二十二日

寬恤詔

詔曰朕以眇躬嗣承大統仰惟天眷之隆祖宗創守之艱夙夜祇慎用圖政理以甯萬邦一切不急之務悉已停罷尙冀羣生業業上協天心切慮民情幽隱庶職未盡得人承流宣化有所不至深歎於懷茲當春和萬物發舒吾民或有不得其所者悉從寬恤以遂其生爾外臣僚體朕心盡乃職務求實效勿事虛文嗚呼天地以生物爲心國家以養民爲政尙圖成績用底雍熙詔告臣民咸宜知悉正統四年三月初一日

御朝詔

詔曰朕以菲德祇膺天命嗣祖宗大統主宰天下夙夜思念開創惟艱繼承匪易誠以疆宇之廣億兆之眾一人失所過實自予肆臨御以來志存安利寢食弗安比者敬循祖宗之舊建奉天華蓋謹身三殿乾清坤寧二宮禮典宣備尙慮煩民適材因素有費悉公出人悅趨事畢告成功已於今年十一月初十日御正朝臨羣臣瞻言居正而安宜有及民之澤於歲惟君以仁民爲事天之本惟臣以仁民爲事君之忠臣民欽體於深仁黎庶咸臻於至治曷告中外悉使聞知正統六年十一月初一日

明書卷五十三

十

冊后詔

詔曰朕以天敘祇承大統君臨海宇子育兆民仰惟隆古帝王政由彝教禮謹大婚茲承聖祖母太皇太后聖母皇太后命慎簡賢淑作配朕躬謹昭告天地宗廟以正統七年五月十九日冊錢氏爲皇后正位中宮共承宗祀協贊化理敷告中外咸使聞知正統七年五月二十一日

殿災詔

詔曰朕以涼德祇承祖宗鴻業顧惟艱大罔敢怠遑乃正統十四年六月初八日南京謹身等殿災此誠上天垂戒國家朕深思咎省躬夙夜警懼允惟敬天之實必以敦仁

爲先其大赦天下咸與維新於戲惟辟奉天誕布生成之德惟民歸極溥承曠蕩之恩詔告臣民咸使知悉正統十四年六月二十一日

冊立皇太子

卿王攝政詔

詔天下邇因虜寇犯邊毒害生靈皇帝恐禍連宗社不得已躬率六師往正其罪以安國家不意被留賊庭尙念臣民不可以無主茲於皇庶子三人之中選其賢而長者曰見深立爲皇太子正位東宮仍命卿王爲輔代總國政撫安天下於戲國必有君而社稷爲之安君必有儲而臣民

明書卷五十三

士

有所仰布告天下咸使聞知

景皇帝

卽位詔

詔曰朕以皇考宣宗章皇帝仲子奉藩京師比因虜寇犯邊大兄皇帝恐禍連宗社不得已親征敕眇躬率百官居守不幸車駕誤陷虜庭我聖母皇太后務慰臣民之望已立皇庶長子見深爲皇太子命朕躬輔代總國政皇親公侯伯暨在廷文武羣臣軍民耆老四夷朝使復以天位久虛神器無主人心遑遑莫之底定合辭上請早定大計皇太后以皇太子幼冲未遽能理萬幾移命眇躬君臨天下

會有使自虜中還者口宣大兄皇帝詔旨宗社之禮不可久曠朕弟卿王年長且賢其令繼統以奉祭祀顧痛恨之方殷豈遵承之遽忍雖避讓再三而俞允莫獲仰惟付託之至重敢以涼薄而固辭已於九月初六日祇告天地宗廟社稷卽皇帝位遣使詣虜問安上大兄皇帝尊號曰太上皇帝徐圖迎復爲政之道必先正始其以明年爲景泰元年大赦天下咸與維新於戲惟敬仁誠可以安宗社惟恭儉勤可以惠萬民尙賴宗室叔祖叔父協心藩屏爰暨中外文武賢臣同心匡輔弘濟重大之艱永隆雍熙之治布告天下咸使聞知正統十四年九月初六日

明書卷五十三

三

勝虜詔

詔曰朕以涼德嗣承大統仰惟祖宗創業之艱宵旰孳孳勉圖治理重以大兄太上皇帝鑾輿未復痛恨日深方詰兵數十萬欲問罪於虜而虜使來迎復者屢皆詐太上皇帝詔旨謂若重遣金帛以來虜必款送還京朝廷固疑其誑而於理難辭乃悉勉從之奈何其計愈行而誑愈篤乃十月十五日也先悉眾躬詣城下仍以請迎講和爲詞朕遣大臣出迓徧歷虜營不見大兄鑾輿所在遂焚書斬使揮六師搗之斬獲其類無算虜眾大潰乘夜奔遁餘孽散伏於近郊者亦皆以接戮無遺京師內外爲之帖然尙慮

四方遠近罔聞克捷猶懷驚悸耕墾未遑室家靡定無以慰安人心特茲詔示其各復爾舊甯爾生承彰殺伐之功共樂雍熙之治布告中外咸使聞知正統十四年十一月初九日

上太后號册后詔

詔曰朕以眇躬托於億兆臣民之上罔知治理夙夜匪甯願惟德禮有未愔庸將無以道國家天下蓋德必先於隆孝而禮惟重乎正名帝王所同彝倫斯在况恩施於已者有莫大宜尊歸於親者無以加義所當然事豈惟過謹上尊聖母皇太后曰上聖皇太后生母曰皇太后勉遵辭讓

明書卷五十三

十一

之旨奉遷皇太后居仁壽宮以俟大兄鑒與之復進皇太子母周氏為貴妃示重天下之本册朕妃汪氏為皇后以厚大倫之原夫帥天下以仁固本於親親然由親親而推又在於仁民於歲愛敬盡於事親而德教加於百姓非朕所及然切於中雖勉力協和之弗周期同德於變之靡間詔告中外咸體朕懷正統十四年十二月初十日

太上皇帝告羣臣詔

朕以不明為惟奸所誤致陷於虜庭已嘗寓書朕弟嗣皇帝位主典神器奉承宗祀此古今制事之宜帝王執中之道朕今幸賴天地祖宗之靈母后皇帝憫念之切俾虜悔

過奉送還京郊社宗廟之禮既不可預國家幾務之重朕弟惟宜爾文武羣臣務悉心以匡其不逮以福蒼生於無窮朕到京日迎接之禮悉從省約布告有位咸體朕懷景奉元年八月十五日

上太上皇帝號詔

詔曰朕奉先帝聖體之遺適值國家中衰之運痛幾務擅專於權倖致大兄誤陷於虜庭賴天地祖宗眷佑之隆荷母后臣民付托之重授朕大位俾紹鴻圖慰安人心奉承宗祀雖神器有可保奈皇業以多艱胡虜內侵蠻苗外援方茲攘除已定向猶宵旰靡甯願減賊之難感恩以誠而

明書卷五十三

十四

懷怨肆屢遣人重齎金帛投虜所好迎復大兄奈頑梗而弗悛豈怨讐之可匿方圖大舉遽見彭閔逆虜革心翻然畏服乃自今年七月以來遣其親信伏闕朝貢固請講和至於再三悔見乎辭欵浮於過朕不得已為親而屈厚加金帛選使偕行敢謂德可動天自信誠能化暴乃八月十六日其太師也先果遣五百餘騎奉送大兄還京臣庶交權宮庭胥慶然朕即位之初已嘗祇告天地祖宗社上大兄尊號曰太上皇帝禮惟有隆而無替義當以卑而奉尊雖未酬復怨之私姑少遂厚倫之願爰推恩典薄及臣民於戲雪恥不以威而以德誠有仗宗社之靈遺民不於勞而

於安志在益家邦之福尚賴叔祖叔父羣臣賢哲匡朕躬於不逮庶幾華夏蠻貊四方遠邇臻至效於無窮布告中外咸體朕懷景泰元年八月十九日

冊立太子詔

詔曰朕以涼薄躬際艱危賴天地祖宗眷佑之隆膺母后臣民付戴之重嗣臨大寶安固家邦方負荷之弗勝豈授承之敢慮而皇親公侯駙馬伯及在廷文武羣臣乃合詞上請以爲天祐下民作之君實遺安於四海父有天下傳之子斯固本於萬年此三代之聖謨誠百王之懿範謂朕長子序在倫先宜正東宮以明繼體事方聞於聖母遠見

明書卷五十三

十五

允於輿情復以皇后之謙冲固遜軒龍於有子再三陳懇理順名端肆循慈訓之誨兼達賢情之切乃於五月初二日冊朕長子見清爲皇太子其母杭氏爲皇后大本既正彝倫亦明親親之誼猶所當敦太上皇帝長子見深特更封爲沂王次子見清爲榮王見清爲許王同屏國家衛安宗社爰推恩於遠邇庸資弼於臣民於戲綱常正而家道雍式弘敦於化本儲副專而國統續庶永固於基圖布告臣民體予至意景泰三年五月初二日

英宗睿皇帝

復卽位詔

詔曰朕昔恭膺天命嗣承大統十有五年民物康阜不虞北虜之變惟以宗社生民之故親率六師禦之而以庶弟郕王監國不意兵律失御乘輿被遮時文武羣臣既立皇太子而奉之豈期監國之人遽據當之之位既而皇天悔禍虜酋格心奉朕南還既無復辟之誠反爲幽閉之計旋易皇儲而立己子惟天不佑未久而亡杜絕諫諍愈益執迷矧失德之良多致沈疾之難療朝政不臨人心斯憤迺今月十七日朕爲公侯駙馬伯及文武羣臣六軍萬姓之所擁戴遂請命於聖母皇太后祇告天地社稷宗廟以今年正月十七日復卽皇帝位躬理庶務保固邦家其改景

明書卷五十三

十六

泰八年爲天順元年大赦天下咸與維新於戲多難興邦高帝脫平城而肇漢殷憂啓聖文王出羣里以興周天位既復於其正人心由是以咸安否爾萬方臣民同秉忠誠會歸皇極獨子政理永享太平布告天下咸使聞知天順元年正月二十一日

復立太子詔

詔曰朕惟帝王之傳序乃國家之大經建元良所以尊祖宗而重社稷封羣胤所以壯藩屏而隆本支今古攸同典章斯具茲朕躬膺天命之申復登大寶之位顧惟不腆事有未遑而公侯駙馬伯文武羣臣僉謂朕之元子當復

正位於東宮其大諸子宜悉封於藩國朕以請之聖母皇太后允從單議舉行盛禮乃於天順元年三月初六日册立元子見濡爲皇太子及封第二子見濤爲德王第三子見澍爲秀王第四子見澤爲崇王第五子見浚爲吉王於戲承祧主器得其人則國本正而萬邦以貞胙土疏封守其世則藩輔完而大統以定天下之心斯有所繫宗社之計永底於安故茲詔告咸使聞知天順元年二月初六日

寬恤建庶人敕

朕恭膺天命復承祖宗大統夙夜憂勤欲使天下羣生成

明書卷五十三

七

得其所而况宗室至親者哉爰念建庶人等自幼爲前人所累拘幽至今已五十餘年憫此遺孤特從寬貸用是厚加賞賚遣人送至鳳陽居住月給廩餼以安其生仍聽婚婢以續其後庶副眷念親親之意故諭天順元年十二月十六日

上太后尊號詔

詔曰朕惟爲治莫先於孝而孝莫大尊親自古帝王德教加於百姓刑於四海者率由此道也朕以眇躬繼承丕緒仰惟聖母皇太后生成厚恩曷云能報曩予嗣位之初屬在幼沖罔知攸濟惟我聖母勞心訓育俾克繼述用底久

甯迨居南宮危疑之間亦惟我聖母憂勤保護賴以無虞及內難將萌遂伸大義俾予復位奠安宗社康濟生民功德兼隆迥超載籍用是博採公義表著徽稱乃於正月二十日率文武羣臣謹奉冊寶上尊號曰聖烈慈壽皇太后特遣非常之慶庸昭錫類之心於戲推之而準允惟政治於家邦動之斯和尙冀風行於天下天順二年二月二十二日

誅姦詔

詔曰我國家受天明命以至仁大德撫有四海列聖繼統傳序在予致治保民蓋有年矣暨予中厯險艱賴天眷人

明書卷五十三

六

歸復正大位維時內官吉祥武官石亨等偕眾迎復掩爲己功朕信之不疑厚以爵賞官其子弟各數十人而彼肆欲無厭黷於貨利結爲表裏竊弄威權少疏抑之輒懷異志然石亨事敗已正典刑而優寵吉祥無異平昔不期吉祥衷惡蓄姦日甚一日與姪男曹欽等陰養死士謀爲不軌乃於今年七月初二日早遽行反逆戕害朝臣焚毀禁門罪惡滔天神人共憤朕即時命將發兵誅之元兇授首同惡悉除浹日之間都城清肅此實上天垂佑之靈宗社無疆之福也夫武以戡亂愷未發於先機仁以惠民期益臻於至治於戲戡定之後事莫急於發通變通之宜治莫

先於仁惠惟爾中外臣庶各究乃心體予至意天順五年七月初十日

上諭號詔

詔曰朕惟有大功德者必有微稱以垂永久稽諸典禮萬世攸同仰惟皇妣聖烈慈壽皇太后至仁大德本於天性配我皇考克敦化原誕育朕躬恩勤備至朕自幼沖嗣位以至於今前後幾三十年賴我皇妣訓誨維持底於成立用能奠安宗社輯甯邦家不幸奄違至養哀慕無窮重惟罔極之恩宜舉尊崇之典謹命禮官議薦徽號博採輿論協於至公已於十月初七日祇告天地宗廟社稷恭上皇

明書卷五十三

九

寬恤詔

詔曰朕仰荷上天眷命子育萬民之戚休恆存念慮顧惟畿內去冬少雪今春缺雨四方之遠亦恐或然夫天時既已違和斯地利必有未盡吾民衣食何所自出興言及此良深憫惻欲慰羣情之望宜加寬恤之仁况修德弭災厥有彝典冀爾中外羣臣咸體朕心勤政保民用臻康樂庶天降鑒協於至和於歲代天理物爰推一念之誠節用

愛人用錫萬邦之福詔告中外咸使聞知天順七年三月十三日

憲宗純皇帝

卽位詔

詔曰洪惟我祖宗誕膺天命肇開帝業爲生民主幾百年矣聖聖相承志勤於治武功文德紹體前聞暨我皇考皇帝恢弘政治二紀於茲厚澤深仁有以衍皇明萬世無疆之祚不幸奄茲遐棄遺命神器付於眇躬顧哀痛之方殷奚遽忍於繼承而親王文武羣臣及耆老軍民累表勸進誠切意堅朕不得已仰遵遺命俯徇輿情於正月二十二

明書卷五十三

十

日祇告天地宗廟社稷卽皇帝位自惟涼薄勉懷永圖嘉與中外親賢率循至道惟敬是持惟誠是立惟仁義是行惟古訓成憲是式庶臻於治康我兆民其以明年爲成化元年大赦天下於戲體元居正宜宏經世之規發政施仁用錫普天之澤尙賴宗室親王文武賢臣協德一心恭勤乃事以弼予於至治詔告中外咸使聞知天順八年正月二十二日

上諭號詔

詔曰朕惟自古英君義辟咸有美諡垂示方來若二帝三王以及後世之賢主莫不皆然乃國家之茂典不易之令

猷也恭惟我皇考大行皇帝以英武之資剛健之德嗣守祖宗之鴻業躬勤政務於萬幾至孝通於神明洪恩被於黎庶嚴百神之祀享重賢士之登庸志協羣情智周萬慮誕敷文命慎簡兵戎立經國之遠圖興治古之盛事華夏蠻貊罔不歸心四海九州臻於熙皞不幸奄棄臣民哀慟曷已允惟宗室之託深思負荷之艱矧繼述之方殷顧追崇之敢後謹命在廷文武羣臣稽古禮文議薦諡號參之眾論合於至公乃於二月十二日祇告天地宗廟社稷奉冊寶恭上皇考大行皇帝尊諡法天立道仁明誠敬昭文憲武至德廣孝睿皇帝廟號英宗嗚呼聖德允合於乾坤神功光垂於宇宙豈名言之可罄尚不顯於無窮布告遐邇咸使知悉天順八年二月十五日

明書卷五十三

三

尊母后母妃詔

詔曰朕惟孝尊親著於典禮是以自古聖帝明王之有天下者靡不以尊親爲重而亦未嘗不致隆於所生傳序在予祇循敢後仰惟母后以坤德之懿配我皇考昭宣化源而嬰疾有年燕祿弗兆於時贊理宮闈相成宗祀與所以遐績天休而隆邦本者實我母后之功之德是賴內治雍睦皇考鑒焉予一人躬承兩宮訓育至於有成嗣統之初敢忘圖報大欲兼隆於至養固宜各極於尊稱是用率

德舉心參稽古謹上冊寶尊母后皇后曰慈懿皇太后尊母妃皇貴妃曰皇太后至情大義庶幾兩盡無違然孝既盡於尊親仁當推以逮下於戲養以天下永惟二聖之尊福被後人懋衍萬年之慶布告中外咸使聞知天順八年三月初二日

冊后詔

詔曰婚姻正始人道所重朕大婚之期先帝有成命矣遽焉卽吉誠所未安茲者親王廷臣累辭以請而聖母慈懿皇太后皇太后慈訓加切咸以繼承之重爲言義既有在朕敢固違謹昭告天地宗廟以天順八年七月二十一日

明書卷五十三

三

冊立吳氏爲皇后正位中宮以共承宗祀奉養慈闈庶悖彝倫用化成於天下敷告中外咸使聞知天順八年七月二十四日

改冊后詔

詔曰帝王爲始莫先正家正家之道必自大婚始惟先帝臨御之日嘗爲朕簡求賢淑已定王氏育於別宮以待期矣迨至憑几顧命猶以婚期責成有司朕於時執禮彌甚未敢遽從矧敢與其事不意內臣牛玉偏徇已私牒臚奏請皇太后將已退吳氏復還冊立禮成之後朕觀吳氏德不稱位因察其實始知非預定者夫既遵先帝之命以

成禮而乃違命立非其人何以表宮闈而相宗祀興言及此內疚於心用是不得已請命母后明正牛王之罪廢黜吳氏不敢以歲月緩自念與其非人甯虛厥位而在廷文武羣臣再三陳請謂中宮不可久虛義正詞切朕雖固拒今勉從所請仍遵先帝成命冊立王氏為皇后於歲自古人倫有常有變變而得正何憚弗為茲朕是舉匪獨正家抑恐上負先帝選授之命於心有不安焉誕告多方使明知朕意天順八年十月十五日

上皇太后諡詔

詔曰朕稽古聖君治隆孝道固謹於其始尤嚴於其終是

明書卷五十三

三

以薦微稱垂永世實今所當遵用也惟我皇妣大行慈懿皇太后配我皇考英宗睿皇帝正位坤宮殆將二紀逮於紹休聖緒尊奉母儀並膺至養亦閱五載懿範仁恩自家形國宜壽萬年而遽爾升遐思罄送往之誠惟崇煥美之號是用博采廷議於七月十九日祇告天地宗廟社稷恭上尊諡曰孝莊獻穆弘惠顯仁恭天欽聖睿皇后於歲陵廟祔於先皇允符天地高厚之配聲名溢於中國施及日月照臨之區播告遐邇咸使知悉成化四年七月二十二日

彗星見詔

詔曰朕嗣無疆大愿夙夜祇畏靡敢怠遑然德服加隆政弗臻治荷天心仁愛屢出災異以示儆焉迺九月朔以來星芒垂象逼台掃斗威譴尤切朕慄焉修省永惟斯人天之赤子爰加惠澤期與更新庶幾仰當天眷命付朕億兆之意於戲爾中外文武之臣既俯治於人尚仰畏於天受職任事者惟義是循理兵牧民者惟仁是篤惟朕憂是分惟玄鑑是儆故茲詔誥咸使聞知

寬恤詔

詔曰朕以眇躬君臨海宇惟上天付畀之重祖宗創守之艱常懷惕厲罔敢怠荒邊豫冀民物阜康協於至治而志

明書卷五十三

五

勤道遠厥效未彰比者災沴薦臻畿甸尤甚三時不雨一雨連旬旱澇相仍民食缺乏備省厥咎在予一人百姓何辜罹茲艱厄興言及此良用惻然夫篤近舉遠者古之規視遠猶邇者朕之志爰推憂勤之念普施寬恤之仁於畿朕體上天好生之德用加惠於吾民中外大小臣僚上體朕恤民之意務求臻於實效故茲詔示咸使聞知成化六年八月初八日

冊立太子詔

詔曰自古帝王君臨海宇必崇建元良以為儲副此久安長治之道也惟我祖宗列聖允迪大猷承傳有序邦本既

正鴻業斯隆暨朕嗣守丕圖於茲八載彝章未舉蓋有待焉長子祐極天資明粹日表英奇中和之性夙成內外之心是屬比者公侯駙馬伯文武羣臣合誠奉表請建東宮恭承皇太后聖訓茲事重大宜從眾議爰以令辰舉行彝典授祐極以冊寶立爲皇太子正位東宮用篤邦家之祐衍宗社無疆之休大禮既成輿情交慶宜敷霽澤覃被萬方於歲元良正位繼天統於萬年曠蕩推恩均至仁於四海詔諭遐邇咸使聞知成化七年十一月十六日

災傷寬恤詔

詔曰朕紹祖宗鴻業爲天下生民主夙夜憂勤用圖康濟

明書卷五十三

三

索近年以來旱澇相繼歲數不登加以今春亢旱爲虐京畿州縣被災者多而山東濟南等六府河南彰德一府災傷尤甚人民缺食十常八九守臣以告朕心惻然夫民生不遂實司牧之過如又坐視其饑窘困窮而不顧豈爲民父母之道哉用是發倉儲出內帑弘施寬恤之仁少慰黎元之望凡爾居官食祿爲朕牧民者務加意賑恤毋生事煩擾乃諭吾民鄰里相救有無相通共濟艱厄以俟秋成有積者毋閉糴自私乖救急之義窮乏者毋流移轉徙放縱非爲以重害而生於歲憂民之憂朕心良切故茲詔示咸使聞知成化九年四月十七日

再冊立太子詔

詔曰帝王誕膺景命必建儲闢所以重宗社之承正邦家之本此古今通制也朕丕繼令續祇後承圖肝食宵衣不遑自逸允惟七鬯之主實繫臣民之心庸舉盛儀以慰羣望皇子祐樞聰明天賦睿智夙成孝本因心禮皆中度朕遠稽古昔近法祖宗覽羣臣請建之章奉聖母從眾之訓遂授冊寶立祐樞爲皇太子正位東宮衍寶祚於萬年隆本支於百世弘施慶澤覃被寰區於歲正元良之位式副輿情推曠蕩之恩用敦博愛詔告天下咸使聞知成化十一年十一月初八日

明書卷五十三

三

復邸王帝號詔

朕叔卿王踐祚戡難保邦莫安宗社亦既有年及寢疾臨薨之際姦臣貪功生事妄興讒構請去帝號先帝尋知誣枉深懷悔恨以次抵姦於法不幸上賓未及舉正朕嗣成大業於茲一紀每思先儒有言祖父有欲爲之志而未爲子孫善繼其志而成就之此所謂孝間以帝號之復質諸聖母皇太后亦云此先帝本意宜卽舉行朕祇服慈訓敦念親親誕告在廷用成先志其邸王可仍舊皇帝之號所有尊謚禮部會議以聞務合人心毋乖典禮仍令所司修飾陵寢如敕奉行故諭成化十一年十二月十三日

災異寬恤詔

詔曰朕紹祖宗大位撫御萬方思惟負荷之艱罔敢自違
自豫然而治效未著災沴迭興地道弗甯天時亢旱土無
所演朕切憂惶嘗齋心懇禱遣廷臣祭告山川奈歲竟不
登而河南山東畿內率多饑饉陝西山西尤劇至有棄恆
產室家不相顧者元元何辜罹茲危厄朕爲民主可忍然
莫之愍耶累博采羣議發內帑倉儲救所在官司多方賑
濟期此今人咸歸樂土不意冬暮春初雨大星變有聲朕
愈兢惕載救廷臣備陳時政得失采納而行用以下慰民
望上答天心方春和時萬物發育祇承乾元資始之仁誕

明書卷五十三

三

敷寬恤天下之典成化二十一年五月初七日

上皇太后徽號詔

詔曰朕惟古帝王之孝親匪惟養以天下而必尊以鴻名
蓋所以表功象德顯於今而垂於後也情文咸具敢忘祇
循恭惟聖母皇太后夙贊先聖茂隆內治誕毓眇質續紹
丕圖迄今二紀宗社奠安海宇脩誼實皆聖母深仁洪慈
訓迪之所致也矧於皇太子勤劬長育用底有成家室攸
宜國本深固凡茲勛德超軼千古而尊崇元禮尙未加隆
朕心歉焉乃稽彝典率籲臣工以今月十七日謹奉冊寶
上尊號曰聖慈仁壽皇太后仰酬罔極之恩遠追帝王之

孝禮既成於家國澤斯溥於實區於戲據古尊稱式廣親
親之教煥今恤下誕敷老老之仁詔告中外咸使聞知
化二十三年四月十九日

明書卷五十三終

明書卷五十三

天

志五

綸渙志四

孝宗敬皇帝

卽位詔

詔曰惟我祖宗聖聖相承膺天明命爲華夷主創業守成神功聖德誠度越往古矣暨我皇考大行皇帝嗣統派仁厚澤覆旨海宇二紀於茲而憂勤求治之心猶宵旰靡遑因臻違豫遽出綬衣忍聞憑几之言猥以神器之屬哀疚

明書卷五十四

方殷罔知攸措時親王文武羣臣下及耆老軍民合詞伏闕勸進者至於再三辭拒弗獲乃遵遺命以九月初六日祇告天地宗廟社稷卽皇帝位顧茲付畀之重深懼仔肩之難勉圖弘濟一惟懷張治道惠綏黎元用底阜成躋於熙皞庶衍皇明億萬年無疆之祚其以明年爲弘治元年夫當居正體元之初宜布更新欽恤之典於戲祖宗皇考大經大法啓佑我後人者纖悉具至釋思體行在予眇躬尙賴遐邇宗親內外忠良同德一心恪恭乃事以輔予之不逮謹告多方咸使聞知成化二十三年九月初六日

上諭號詔

詔曰自昔帝王功德隆盛皆有美諡以昭垂於萬世此不易之令典也洪惟皇考大行皇帝英資神聖至德寬仁早主尊以繫人心繼定位而正天序緝熙聖學躬勤政教法祖敬天尊親致養恩誼篤於宗室惠澤溥於黎元舉賢能而疏遠無遺慎兵刑而威德宣布歷年二紀治底雍熙華夷戎夷罔不歸戴揆茲功德邁古帝王遠矣不幸奄行上賓臣民慟慕願予哀疚彌切敢緩追崇謹命在廷文武羣臣稽古禮文議謚號博參輿論允協至公乃於九月十九日祇告天地宗廟社稷奉冊寶恭上皇考大行皇帝尊諡曰繼天凝道誠明仁敬崇文肅武宏德至孝純皇帝廟

明書卷五十四

號憲宗嗚呼乾坤高厚曷能擬其形容日月光華尙同顯於悠永布告中外咸使聞知成化二十三年九月二十一日

尊太皇太后皇太后冊皇后詔

詔曰孝莫大於尊親執政必先於正名禮典俱存古今攸重朕恭承丕緒統御華夷務倬敘於天倫式恢弘於化理仰惟皇祖母聖慈仁壽皇太后懿德配天慶鍾先帝茂隆國祚保育朕躬聖母皇后貞靜柔慈含弘光大賢明穆木愛軼孟斯肆子克底有成宜頌二聖福迪擁佑所又也其深仁罔極莫報允惟兼養以天下則必各極其

之初舉行敢後謹於本月初九日率領文武臣工寅奉金冊金寶尊上顯號皇祖母日聖慈仁壽太皇太后母后日皇太后乃若相禮助養必資內德之賢爰冊妃張氏爲皇后用襄內治表正中宮大禮既成湛恩斯溥於戲立愛惟親德教弘敷於四海正家有道皇祚茂衍於萬年誕告多方咸知朕意成化二十三年十月初十日

星變救

朕嗣承祖宗大統三年於今雖夙夜孜孜究圖化理而緒効未著心恆歉然茲者上天垂戒彗星見於天津朕甚憂之循省咎徵莫測所自豈朕德淳薄行事乖違天特示異

明書卷五十四

三

以警之歟抑邪惡將萌兆驗先見天故動威朕思所以消弭之歟抑亦政多缺失君民困苦朕與爾文武羣臣交修之道未至而患下不敷歟惟事關朕躬者朕已齋沐告天省已修德期消變異而爾等食朕之祿實同休戚可不痛加警省歟今各宜修舉職業毋或因循懈惰廉慎節操毋或背公徇私凡軍民利病時政得失可以興革張弛者爾文武大臣并科道官仍條奏來聞務在切實可行於國有益庶幾上下協盡交修之道而人心欣慰天意可回矣其勉之慎之故諭弘治二年十二月初四日

慎刑教

朕惟刑以輔治用之貴得其平刑平則善有所勸惡有所懲而人心服天道和不平則不足以懲惡勸善而人心不服天道乖災變之來誠有不能免焉曩因天道示異曾敕天下諸司審錄重刑發落過情可矜疑及準辯者奚翅數十百人雖曰勿拘成案原官亦不坐罪此特廣仁愛之意欲全民命爾其間實有訊鞫不真而失入可罪者然亦有無可矜疑而強爲出脫者要之皆非大中至正之道茲當萬物發育生長之時朕體天地好生之德以爲刑者明命所繫與其寬之於終孰若謹之於始故特戒敕爾等各加謹慎仍行南京三法司及天下大小問刑衙門今後問刑

明書卷五十四

四

之際務必存心以仁恕持法以公平察辭辨色詳審其情罪所當重者重之以懲惡毋務姑息而不顧縱惡長奸之非罪所當輕者輕之以有過毋事苛刻而致有抑鬱稱冤之歎其或證驗無憑情隱難明者尤當加意推究毋或傳致於時而冀不坐罪於他日如此庶不背古聖人欽恤之訓而於朕刑罰無刑之治亦有裨益焉爾等其欽承之毋忽故諭弘治四年二月二十四日

元子誕生詔

詔曰朕承祖宗鴻業君主華夷於今四載深惟德有未修澤靡下究無以安養元元恐負祖宗之付託用是夙夜